

# Ehizari buruzko 2023-2024ko arauak

© F. Gómez  
Cervus elaphus

Ehiza-barrutiak



Ehiza-postuak



Gobierno de Navarra  
Nafarroako Gobernua

## ■ Ehizari buruzko 2023-2024ko arauak

186E/2023 Foru Agindua, uztailaren 14koa, Landa Garapeneko eta Ingurumeneko kontseilariak emana, 2023-2024 kanpainarako ehiza debekualdiei buruzko xedapen orokorra onesten duena.

Foru agindu honek, oro har, ehiza barrutietarako ehizaldiak finkatzen ditu; horrek, dena dela, ez du zertan eraginik izan Ehiza Antolatzeako Planetan ageri diren beste ehiza-jarduera onetsi batzuetan. Nafarroako Ehizari eta Arrantzari buruzko 17/2005 Foru Legetik eratoritzen ahal diren ehiza modalitate berriak aurreikusita egonen dira Ehiza Antolatzeako Plan onetsian, edo Landa Garapeneko eta Ingurumeneko Departamentuak espresuki baimendu beharko ditu.

## ■ Ehiza-espezieak

**Nafarroan, 2023-2024 kanpainan, ondoko espezie hauek harrapatzea izanen da zilegi**

### Hegaztiak

- Antzara hankagorritzat (*Anser anser*)
- Basahatea (*Anas platyrhynchos*)
- Zertzeta arrunta (*Anas crecca*)
- Eper gorria (*Alectoris rufa*)
- Galeperra (*Coturnix coturnix*)
- Faisaia (*Phasianus colchicus*)
- Kopetazuri arrunta (*Fulica atra*)
- Hegabera (*Vanellus vanellus*)
- Oilagorra (*Scolopax rusticola*)
- Istingor arrunta (*Gallinago gallinago*)
- Pagausoa (*Columba palumbus*)
- Txoloma (*Columba oenas*)
- Birigarro arrunta (*Turdus philomelos*)
- Birigarro txikia (*Turdus iliacus*)
- Durdula (*Turdus pilaris*)
- Garraztarroa (*Turdus viscivorus*)
- Mika arrunta (*Pica pica*)
- Belea (*Corvus corone*)

### Ugaztunak

- Erbia (*Lepus spp.*)
- Untxia (*Oryctolagus cuniculus*)
- Azeria (*Vulpes vulpes*)
- Basurdea (*Sus scrofa*)
- Oreina (*Cervus elaphus*)
- Adarabala (*Dama dama*)
- Orkatza (*Capreolus capreolus*)

## ■ Ordutegia

Oro har, ehizan aritzeko ordutegia eguzkia sortu baino ordu bat lehenago hasiko da, eta sartu eta ordu batera bukatuko. Almanakatik hartuko dira sortzearen eta sartzearen orduak.

## ■ Erne, ehiztari!

Eratzuna duen hegaztiren bat aurkitzen baduzu edo lepokoa nahiz belarritakoa duen basurdea botatzen baduzu, abisu eman lehenbailehen Basozaintzari.

Esker mila zure laguntzarengatik.

### EHIZTARIAK HONAKO HAUEK ERAMAN BEHARKO DITU ALDEAN

- Nortasun agiri nazionala
- Ehiza-lizentzia, indarrean dagoena
- Arma-lizentzia eta jabetza-gida
- Ehiztariaren nahitaezko aseguru
- Ehiza-barrutian ehizatze baimena

## ■ Ehiza eta adingabeak

Armen Erregelamendua onesten duen 137/1993 Errege Dekretuan aurreikusitakoaren arabera, ehiztari adingabeekin adin nagusiko ehiztari batek egon beharko du une oro, eta haren gaineko ardura hartuko du. Adin nagusiko ehiztari horrek ehizarako eta armetarako baimena indarrean eduki beharko du, eta ehizan ari den bitartean hura zaintzeko eta laguntzeko konpromisoa hartzen duela dioen dokumentu idatzia eraman.

Adingabea eta arduraduna ezin dira postu desberdinetan egon ehizan ari diren bitartean. Era berean, ezin izanen dituzte su-armak aldi berean erabili, baina biak kargatuta egon daitetzeke, eta laguntzailearen helburu nagusia izanen da adingabeak ongi jarduten duela zaintzea eta kontrolatzea. Adingabeak arma deskargatuta duenean soilik erabiltzen ahal du bere arma arduradunak.

Basoen eta Ehizaren Zerbitzua – Ehiza Atala  
Ehiza Atalaren tel.: 848 426 259  
caza@navarra.es

Ehiza-lizentzia berritzeko:

- [licenciascaza@navarra.es](mailto:licenciascaza@navarra.es)
- <https://www.navarra.es/eu/tramiteak/on/-/line/Tramitacion-de-la-licencia-de-caza>

## ■ Ehizkien babesak

### Animaliak harrapatzeko debekatuta dauden metodo edo bitarteko orokorrak

- 1.- Lakioak edo amuak eta mota guztietako tranpa eta zepoak, saihets edo zepo txikiak, sareak edo baleztak, zuloak, nasak eta eper-sareak barne.
- 2.- Arbolatxoa, hagaxkak, lika-adarrak, barraka edo parany delakoa eta likarekin erabiltzen diren tresna edo metodo guztiak.
- 3.- Babestutako espezieetako animalia biziak edo bezatuak erabiltzea apeu gisa, edo bestelako animaliak, hilik nahiz bizirik, itsuturik edo elbarriturik, eta mota guztietako apeu elektriko edo mekanikoak, grabazioak barne, usategietako ehiza tradizioan erabiltzen diren uso biziak izan ezik.
- 4.- Animaliak elektrokutatu edo moteltzeko aparatuak.
- 5.- Faroak, ispiluak eta bestelako argi artifizial edo itsugarriak.
- 6.- Sare mota guztiak edo sareen bidez funtzionatzen duten tramankuluak, hala nola sare eraisgarriak, laino-sare edo sare bertikalak eta kanoi-sareak, bai eta sare japoniarrik eta txalupa italiarra ere.
- 7.- Karnata mota guztiak, keak, gasak edo arrastoa uzten duten substantziak, pozoiak, substantzia moteltzaileak, sorgogarririk, erakargarriak edo uxagarriak, bai eta lehergaiak ere.
- 8.- Kargadorean bi kartutxo baino gehiago eduki ditzaketen arma erdiautomatiko edo automatikoak, aire konprimatuko armak, eraztun-perkusioa duten 22 kalibreko erripleak, isilgailua edo gaez tiro egiteko bisorea duten armak, substantzia moteltzaileak injektatzeko jaurtigaikak jaurtitzeko dituzten armak eta baleztak.
- 9.- Hudoak.
- 10.- Mota guztietako aireontzi eta uretako ontzietatik edo lurreko ibilgailu motordunetatik tiro egitea.
- 11.- Balinak, postak edo lehertzen diren balak, eta jaurtigaia manipulaturik duten mota guztietako balak. Kartutxoetan sartzen diren jaurtigaikak postatzat hartuko dira 2,5 gramo edo gehiagoko pisua badute.
- 12.- Ahate-kanoiak.
- 13.- Hezeguneetan berunezko perdigoiak erabiltzea ehizarako, araudi aplikagarriaren arabera.
- 14.- Debekatua dago eperra apeu bidez botatzea.
- 15.- Debekatua dago inurri hegaldunak harrapatu, eduki edo merkaturatzea, baita beita gisa erabiltzea ere.

## ■ Ehiza-eremuak

1993ko abuztuaren 1etik aitzina, bakarrik ehiza-barrutietan egin daiteke ehizan eta debekatuta dago lurralde libreetan.

## ■ Ehiza prestatua

Ehiza Antolatzeko onetsitako Planetan ezarritako eremuetan eta uztailearen 6ko 11/2012 Foru Aginduan ezarritakoetan baizik ezin izanen da praktikatu. Foru agindu horren bidez, baimena ematen da faisaiak jare uzteko. Ereku horiek erabiltzeko epea honako hau izanen da: 2023ko abuztuaren 15etik 2024ko otsailaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere. Faisaia arautuko da bere atalean eta 11/2012 Foru Aginduan adierazitakoaren arabera.

## ■ Txakurrak trebatzeko eremua

Txakurrak trebatzeko eremua, Ehiza Antolatzeko Planetan baimenduta daudenak, erabiltzen ahalko dira dagokion planean kasu bakoitzerako ezarrita dagoenari jarraikiz.

## ■ Hegazti migratzaileak

Hegan doazen hegazti migratzaileak ehizatze postuetan, Frantziako ehiza elkarteekin konpartitzeoetan, Frantzia dauden baldintza berberetan egin behar da ehiza udazkeneko migrazioan, baina bakar-bakarrik Nafarroan baimendutako espezieak harrapatzen ahal dira.

## ■ Usoak eta birigarroak ehizatze baimenduta dauden postuak

- Tiro egiteko postuak, bai bakarrik bai ilaran daudenak, finkoak izanen dira eta mendilerroen tontorretan edo horien magalen goiko aldean egon beharko dute. Debekaturik dago eskopetekin batetik bestera ibiltzea eta armak zorrotatik kanpo izanda ehiza postuetatik at ibiltzea, ehiztaria postutik hurbil erori den usoa edo birigarroa jasotzera joaten den kasuetan izan ezik, kasu horietan arma deskargatua eraman beharko baitu.
- Debekatuta dago usoak uxatzeko edozein bide erabiltzea: seinaleak, tiroak edo beste edozein prozedura, usoen ibilbide arrunta desbideratzeko asmatua. Nolanahi ere, zilegi da legeari jarraituz ezarritako txaboletan, itsutu eta elbarritu gabeko apeuko uso biziak erabiliz usoak harrapatzea, betiere horrek usoari bere bidea utzarazten ez badio eta, horren ondorioz, legez paratutako beste postuetako ehiza galarazten ez badu.
- Usoak edo birigarroak ehizatzeko postu bat ez bada erabili ondoko ondoko hiru urtetan, hor aitzeko baimena galduko da.
- Pase-sasoian usoak botatzeko, eta birigarroak ehizatzeko baimena duen postu bakoitzean, gehienez ere hiru ehiztari egoten ahal dira aldi berean. Ehiztari bakoitzak eskopeta bakarra edukitzen ahalko du postuan.

- Tiro egiteko postuek, bai itxuragatik, bai erabilitako materia-lengatik, ongi eman behar dute paisaiarekin. Ehiza barrutia kudeatzeko arduradunaren eta aprobetxamenduaren titularraren erantzukizuna da ingurua garbi edukitzea. Landa Garapeneko eta Ingurumeneko Departamentuak, hala badagokio, legezko neurriak hartuko ditu baldintza horiek betetzen ez dituzten postuetan ehiza eragozteko.
- Uso migratzaileak edo birigarroak ehizatzeo baimendutako postu edo txabolak tokiz mugitzeo baimena Landa Garapeneko eta Ingurumeneko Departamentuak eman beharko du Ehiza Antolatzeo Planean.
- Postuak aprobetxatuko dira barrutiko administrazioak ezarritako arauetara jarraituz.
- Postu bakoitza jarri beharko da beste postuen ohiko tirabide-tik kanpo. Postu batetik bestera gutxienez ere 50 metroko tartea egonen da.
- Postuen artean interferentziarik bada, zaharrenak izanen du lehentasuna. Lehentasuna duen postuaren eraginkortasuna gutxitzen denean eta postuen titularren artean batera ehizatzeo adostasunik ez dagoenean esaten da interferentzia dagoela.

## ■ Ehizakiak

Ehizakiak etxera eraman baino lehen lumatzen edo larrutzen badira, burua eta hankak kendu gabe eduki behar dira, identifikatu ahal izateko.

## ■ Ehiza larriaren uxaldiak eta mendi-ehizaldiak

Behar diren seinaleak jarriko dira, bideetan eta sarbideetan. Segurtasun neurri gisa, ehiztariek eta uxatzaileek kanpotik ikusgarritasun handiko txalekoak edo jantziak jantzi beharko dituzte, laranja kolorekoak, ahal bada, eta gutxienez bularraldea eta bizkaraldea estaliko dituztenak. Era berean, gomen datzen da buruko aski nabarmenak erabiltzeko. Eite handiko nekazaritzako laboreetan egiten diren uxaldietan, postuak goratuak egonen dira, lurraren gorabeherak aprobetxatuz, edo egitura berariazkoen gainean. Tiro egiteko postuen diseinuan eta kokaeran, hobetsiko dira animalia-ri uxalekuetatik kanpo eta arma-lerroa pasatuta dagoenean tiro egiteko kokalekuak.

**Baimenduta dauden txakurrak:** debekatua dago heltze txakurren bidezko ehiza. Debeekatua dago, uxaldietan edo mendi-ehizaldietan, honako txakur arraza hauek eta haien arteko mestizoak erabiltzea: dobatxakurra, bulldoga, pitbull, rottweilerra, boxerra, dobermana eta Kanarietako heltze txakurra. Ehizaldietan, ohiko arrasto txakurrekin batera, gehienez, arraza hauetako edo haien hibridoetako bi txakur erabiltzen ahalko dira: alanoa eta mastina.

Txakurren jabeak eta/edo edukitzaileak izanen du txakurren inguruan indarrean dagoen legeria betetzeko erantzukizuna. Ehiztari bakoitzak su-arma edo arku bakar bat eramaten ahalko du.

Postuetan, uxaldietarako, gutxienez lau ehiztarik bildu behar dute.

## ■ Orkatzeo eta oreinendako zigiluak

Nahitaezkoa izanen da zigilu zenbakidunak erabiltzea, harrapatutako orein eta orkatzei paratzeko, dagokion Ehiza Antolatzeo Planean ezarritako kupoen arabera.

Landa Garapeneko eta Ingurumeneko Departamentuak emanen ditu zigiluak, ehiza barrutia kudeatzeko arduradunak eskatuta.

Ehizan ateratzen den bakoitzean, hil nahi diren animaliak adina zigilu eraman behar dira gutxienez. Animalia hil ondoren, ezin da handik mugitu harik eta zigilua paratu eta harrapatetaren eguna markatu arte. Uxaldietan edo mendi-ehizaldietan soilik, eta ehizaldiaren arduradunari jakinarazi ondoan animalia harrapatu dela, hura zigilurik gabe eramaten ahalko da hurbilen dagoen mendiko pistaraino, eta bertan jarriko zaio zigilua. Hori ez da aplikatuko bakarkako zelata-ehizan.

Eseki-lekuko tendoiaren eta hankaren artean paratuko da zigilua; ondoren, itxi eta, erauziz, zein egunetan harrapatu den markatuko da. Adarrak dituzten animalien kasuan, prezintoa errosetaren gain-gainean paratuko da, baldin eta harrapatutako animalia aski handia bada (prezintoa itxia adarretik ez ateratzeko adinakoa).

## ■ Ehiza xeheko zigilu eta txartelak

Eperraren, erbi iberiarraren, erbi europarraren, oilagorraren eta galeperraren aprobetxamendu egokia egiteko, ehiza barrutietako adjudikaziodunek zigilu edo txartel sistema bat ezarri beharko dute ehiza egun bakoitzean eta ehiza-denboraldi bakoitzean harrapatutakoak kontrolatzeko, ehizatzen diren unetik beretik. Denboraldia amaitutakoan, adjudikaziodunak txartelak jaso, eta ehizatutako aleen kopuru osoa bete beharko du Urteko Planean.

## ■ Ehizako kirol-txapelketak

Ehizako kirol-txapelketak egiteko beharrezkoa izanen da Landa Garapeneko eta Ingurumeneko Departamentuko Basoen eta Ehizaren Zerbitzuaren aldeko txosten bat, aldezturik emana. Foru agindua honetan ezarritako kopuruak gainditzen ahalko dira Landa Garapeneko eta Ingurumeneko Departamentuak aldezturik onetsitako ehizako kirol-txapelketetan. Nafarroako Ehiza Federazioak soilik antolatuta ahalko ditu ehizako kirol txapelketak.



ESPEZIEA	Abuztua	Iraila	Urria	Azaroa	Abendua	Urtarrila	Otsaila	
<b>Basurdea</b>	15						29	
	* Basurdea, zelatan eta gaueko itxaronaldietan, 2023ko abuztuaren 1etik 2024ko uztailaren 31ra arte							
<b>Adarxabala eta Oreina</b>			12	Adarxabala, uxaldietan eta mendi-ehizaldietan			29	
	Oreina, bakarkako ehizan	10	1	12	Oreina, uxaldietan eta mendi-ehizaldietan			29
<b>Orkatza</b>	15				Orkatza, uxaldietan eta mendi-ehizaldietan			29
	* Orkatza, bakarkako ehizan, 2024ko apirilaren 1etik uztailaren 31ra arte							
<b>Azeria</b>				1	Jauzi-ehizan		28	
	* Azeria, bakarkako ehizan, 2023ko abuztuaren 15etik 2024ko otsailaren 29ra							
		2	Uxaldian					29
	* Ehiza larriaren uxaldia eta mendi-ehizaldia 2023ko abuztuaren 15etik 2024ko otsailaren 29ra arte							
<b>Eperra</b>	Eperra: gehieneko egunak ehiza-barruti bakoitzean zehaztu beharrekoak			1				29
<b>Erbia</b>		Erbi iberiarra: gehienez 2 ehiza-egun barrutiko		1	31			
<b>Untxia</b>				1				28
<b>Oilagorra</b>			12				31	
<b>Hegazti urtarrak</b>	15	Basahatea	14		1			28
<b>Usoa</b>	Ehiza Antolatze Planaren arabera	21	Jauzi-ehizan, galeperen hegaldiko eremua	14	Baimendutako postuetan eta txaboletan			31
		21	Jauzi-ehizan, iparraldean	14	Zuhaiztietatik kanpo			28
<b>Birigarroa</b>				Jauzi-ehizan	1			28
				Birigarroendako postu finkoetatik	1			31
				Uso-postuetatik	1			31
<b>Galeperra</b>	15	14	Iparraldeko eremua Hegoaldeko eremuan: Ehiza Antolatze Planetan baimendutako					
<b>Usapal arrunta</b>	Salbuespenez, eta aldi baterako izaeraz, zero harrapaketako kupoa ezartzen da 2023-2024 ehiza denboraldirako, Europako Usapalaren Ehizarako Egokitzapen Planaren jarraibideei men eginez.							
<b>Faisaia</b>		Ehiza Antolatze Planaren arabera	1	Askatzea, urriaren 1etik urtarrilaren 15era arte			29	
<b>Mika</b>	Beste edozein espezieetako ehiza-garaietan							

## ■ Basurdea

Baimena ematen da basurdea ehizatzeke, 2023ko abuztuaren 15etik 2024ko otsailaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere, su armaz uxaldietan eta mendi-ehizaldietan, eta arku uxaldietan, mendi-ehizaldietan, eta bakarka.

2023ko abuztuaren 1etik 2024ko uztailaren 31ra arte, basurdea eguneroko ehizatzen ahalko da su armaz uxaldietan eta mendi-ehizaldietan, eta arku uxaldietan, mendi-ehizaldietan, eta bakarka. Atal honi dagozkion modalitateetan jarduteko barrutiko Basozaintzari abisatu behar zaio 48 ordu lehenago.

Gaueko itxaronaldiak egiteko eta zelata-ehizan aritzeko, Ehiza Antolatze Planean gaueko itxaronaldietarako baimendutako postuak erabiliko dira. Gaueko itxaronaldietan, segurtasun arrazoiak direla eta, baimena ematen da su armari edo arkuari lotutako linternak erabiltzeko, tiroa egin edo gezia bota aurre-aurreko unerako bakarrik. Eraginkortasun arrazoiak direla-eta, baimenduta dago substantzia usaintsuak erabiltzea, petrolioaren eratorriak ez badira, gehienez 10 cm x 10 cm-ko azalera zabaldua.

Nekazaritzako laboreetan kalteak izateko arriskua dagoen ehiza barrutietan, uxaldian ehizatzen ahalko da, Ehiza Antolatze Planean adierazitako uxalekueetatik kanpo.

Orkatzen zelata-ehizan basurdeei tiro egin ahal izanen zaie, ehiza barrutiaren titularrak horretarako baimena emanez gero.

## ■ Oreina

Baimena ematen da orein arrak bakarkako ehizan harrapatzeke 2023ko irailaren 10etik urriaren 1era arte, eguneroko, Ehiza Antolatze Planen kasuko Planean xedaturikoari jarraikiz. Horretarako, ehiztariak edo barrutiko ehizazainak 24 ordu lehenago abisatu behar die barrutiko Basozaintzari, Guardia Zibileko Natura Babesteko Zerbitzuari eta Foruzingoko Ingurumena Babesteko Brigadari, eta adieraziko die erabiliko den besokoak zer zenbaki duen, baita jarduketaren eremua ere.

Baimena ematen da 2023ko urriaren 12tik 2024ko otsailaren 29ra arte uxaldietan eta mendi-ehizaldietan ehizatzeke, ostegun, larunbat eta igandeetan, baita Espainiako, Nafarroako eta herriko jaiegunetan ere, Ehiza Antolatze Planen ezarritako kopuruak gainditu gabe betiere. 2024ko martxoaren 15a baino lehen, erabilitako besokoekin erabili gabeak aurkeztu behar dira Landa Garapeneke eta Ingurumeneko Departamentuko bulegoetan. Erabili gabeko besokoak eta erabilitakoekin gordekinak itzultzen ez badira, hurrengo denboraldian ehiza larriaren aprobeitxamenduak egitea debekatzen ahalko da.

## ■ Adarxabala

Baimena ematen da adarxabala uxaldietan eta mendi-ehizaldietan ehizatzeke, 2023ko urriaren 12tik 2024ko otsailaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

## ■ Orkatza

Ehiza Antolatzeko Planean zehaztutako kupoak beteko dira.

2024ko otsailaren 29ra arte erabilitako besokoek gordekinak, baita eme eta kumeen besoko erabili gabeak ere, 2024ko martxoaren 15a baino lehen aurkeztu beharko dira Landa Garapeneko eta Ingurumeneko Departamentuko bulegoetan. Udaberriaren eta udan bakarkako ehizan aritzeko diren arenak era berean aurkeztuko dira, 2024ko irailaren 1a baino lehen.

Erabili gabeko besokoak eta erabilitakoek gordekinak itzultzen ez badira, hurrengo denboraldian ehiza larriaren aprobetxamenduak egitea debekatzeko ahalago da.

**Uxaldiak eta mendi-ehizaldiak:** 2023ko abuztuaren 15etik 2024ko otsailaren 29ra arte ehizatzen ahalago da, ostegun, larunbat eta igandeetan, baita Espainiako, Nafarroako eta herriko jaiegunetan ere.

**Bakarkako zelata-ehiza:** modalitate horretan aritzen ahalago da 2023ko abuztuaren 15etik 2024ko otsailaren 29ra bitarte, asteko egun guztietan. 2024ko apirilaren 1etik uztailaren 31ra arte, egunero ehizatzen ahalago da, bakarkako modalitatean, Ehiza Antolatzeko Planeko kupoaren barruan sartu baina denboraldian ehizatu ez ziren orkatz arrak, baita baimenduriko modalitateetan otsailaren 29ra arte ehizatu ez ziren orkatz arrak ere.

Horretarako, ehiztariak 24 ordu lehenago abisatu beharko dio barrutiko Basozaintzari, eta adieraziko dio erabiliko den besokoak zer zenbaki duen, baita jarduketaren eremua ere. Ehiza-egun horietarako ehizazaina duten ehiza barrutietan, horrexek emanen dio abisua barrutiko Basozaintzari, eta erabiliko den besokoaren zenbakia eta jarduketaren eremua jakinaraziko dizki. Horrez gain, jarduera koordinatuko du eta zelatetan parte hartzen duten ehiztarien eguneroko kontrola eramanen du.

Nekazaritzako laboreetan kalteak izateko arriskua dagoen ehiza barrutietan, uxaldian ehizatzen ahalago da Ehiza Antolatzeko Planean adierazitako uxalekuek kanpo.

## ■ Azeria

**Bakarkako jauzi-ehiza:** galeperra harrapatzen ahal den egun eta toki berean ehizatzen ahalago da, debekualdi erdian, eta 2023ko azaroaren 1etik 2024ko urtarrilaren 28ra arte, ostegun eta igandeetan, baita Espainiako, Nafarroako eta herriko jaiegunetan ere.

**Uxaldiko eta taldeko modalitateak:** 2023ko irailaren 2tik 2024ko otsailaren 29ra arte ehizatzen ahalago da modalitate hau erabiliz, ostegun, larunbat eta igandeetan, baita Espainiako, Nafarroako eta herriko jaiegunetan ere. Soilik azeria ehizatzeko uxaldietan, perdigoiez egin beharko zaio tiro, eta ehiztariak ikusgarritasun handiko txaleko edo jantziak jantzi beharko dituzte; laranja kolorekoak, ahal bada, eta gutxienez bularralde eta bizkaraldea estaliko dituztenak. Ikusgarritasun handiko txanoa erabiltzea gomendatzen da, halaber.

**Zelata-ehiza gordelekuaren inguruan eta taldeka:** 2023ko azaroaren 1etik 2024ko otsailaren 29ra arte ehizatzen ahalago da, ostegun, larunbat eta igandeetan, baita Espainiako, Nafarroako eta herriko jaiegunetan ere, gordelekuaren inguruan.

**Orkatzen bakarkako zelata-ehiza:** azeriari balaz tiro egiten ahalago da orkatza bakarka ehizatu bitartean, 2023ko abuztuaren 15etik 2024ko otsailaren 29ra arte eta 2024ko apirilaren 1etik uztailaren 31ra arte.

**Ehiza larriaren uxaldiak eta mendi-ehizaldiak:** ehiza larriko modalitate hauetan, balak erabiliz ehizatzen ahalago da azeria, 2023ko abuztuaren 15etik 2024ko otsailaren 29ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Oro har, untxiek eragindako kalteen prebentziorako plan baimenduak dituzten ehiza barrutietan, eta ehizaldi orokorretik kanpo edo salbuespenezko metodoekin untxiak ehizatzeko baimena dutenetan, azeria arestian azaldutako modalitateetan ehizatzeko baimena ematen da, baina debekatu egiten dira espezie honen harrapakarien kontrolerako jarduketak, ehiza-barrutiaren titularrak behar bezala argudiatutako kasuetan salbu.

## ■ Eperra

Animalia hau ehizatzen ahalago da 2023ko azaroaren 1etik 2024ko urtarrilaren 29ra bitarte, igandeetan, eta Espainiako, Nafarroako eta herriko jaiegunetan, 14:00ak arte.

Ehiza-barruti bakoitzerako gehieneko egun-kopurua haiek udaberriaren ugaltzaile kopuruari, potentzialtasunari eta eper-ehiztari buruz emandako datuen arabera ezarriko da, eta 0 eguneko izanen da 2023ko udaberriaren ugaltzaile kopurua Ehiza Antolatzeko Planean ezarritako potentzialtasunaren % 50 baino txikiagoa den kasuetan.

Ehiztari eta egun bakoitzeko gehieneko 2 eperren kupa ezartzen da, eta taldeak ez dira inoiz izanen 3 ehiztari baino gehiagokoak.

Larreratzeko baimena ematen da 2023ko urriko larunbat eta igandeetan, gehienez ere 4 lumarako txakur edo arrasto-txakur erabilia pertsona bakoitzeko.

## ■ Erbia

Animalia hau ehizatzen ahalago da 2023ko azaroaren 1etik abenduaren 31ra bitarte, igandeetan, eta Espainiako, Nafarroako eta herriko jaiegunetan, 14:00ak arte.

### Erbi iberiarra

Barruti bakoitzean zenbat egunehizatzen ahal den erabakitzeo, aintzat hartuko dira Ehiza Antolatzeko Planean ezarritakoa, laginketak eta barruti bakoitzean ezarritako egutegia. Nolanahi ere, gehienez bi egunehizatzen ahalago da eskopetaz barruti bakoitzean.

**Bakarkako jauzi-ehiza:** eskopetarekin, ehiztari eta egun bakoitzeko erbi bateko gehieneko kupa ezartzen da.

**Uxaldi:** eskopetarekin, ehiztari eta egun bakoitzeko erbi bateko gehieneko kupa ezartzen da.

**Xarlangoz (erbi-txakurrez)** egindako erbi ehiza (eskopetarik eta makilarik gabe, gehienez ere 2 xarlango askerekin pertsonako edo ehiza taldeko, beste 2 xarlango loturekin eta arrastoko usna bi zakurrekin), epe horren barruan, larunbatetan ere egiten ahal da, arestian adierazitako egunetan ez ezik. Kupa erbi batekoa izanen da, gehienez, pertsonako edo ehiza taldeko, eta taldea gehienez ere 6 pertsonek osatua.

Larreratzeko baimena ematen da 2023ko urriko larunbat eta igandeetan, gehienez ere 4 lumarako txakur edo arrasto-txakur erabilia pertsona bakoitzeko.

### Erbi europarra

Barruti bakoitzean zenbat egunehizatzen ahal den erabakitzeo, aintzat hartuko dira Ehiza Antolatzeko Planean ezarritakoa, laginketak eta barruti bakoitzean ezarritako egutegia.

Arrasto txakurrekin ehizatzen ahalago da bakar-bakarrik. Talde batean gehienez ere 6 ehiztari egoten ahalago dira, eta kupa erbi batekoa izanen da ehiztari edo talde bakoitzeko eta egun bakoitzeko.

Baimena ematen da arrasto txakurrekin larreratzeko, 2023ko iraileko, urriko, azaroko eta abenduko ostegun, larunbat eta igandeetan.

## ■ Untxia

2023ko azaroaren 1etik 2024ko urtarrilaren 28ra arte, ostegun eta igandeetan, baita Espainiako, Nafarroako eta herriko jaiegunetan ere, Ehiza Antolatzeko Planari.

Ehiza Antolatzeko Planean horretarako ezarritako eremuetan 3 untxi larriko IKA (kilometroko ugariasun indizea) duten barrutietan, eremu horietan ehizatzen ahalko da, 2023ko irailaren 30era arte, larunbat eta igandeetan, baita Espainiako, Nafarroako eta herriko jaiegunetan ere. Horretarako, aldez aurretik Landa Garapeneko eta Ingurumeneko Departamentuan aurkeztu beharko dira laginketa bat, ehizazain batek egina eta sinatua, ehiza egin behar den egunak, eta ehizazainaren kontratazioa, udako ehiza egin behar den egunetarako dena. Ehizazainaren laguntza ezinbestekoa izanen da ehizaldietan.

## ■ Oilagorra

Baimena ematen da oilagorra ehizatzeko 2023ko urriaren 12tik 2024ko urtarrilaren 31ra arte, egunero, egunsentian hasi eta ilundu baino ordu-bete lehenagora arte, basoan, ohiko txintzarri funtzionala daramaten txakurrak erabiliz, non dauden jakiteko eta beste erabiltzaile batzuekin gerta daitezkeen istripuak saihesteko. Armarik gabe larreratzeko baimena ematen da oilagorraren ehiza barrutietako basoetan, otsaileko egun guztietan, betiere lumarako lau txakurrekin gehienez.

Ehiztari batek gehienez 3 ale harrapatzen ahalko ditu egunean. Ehiza barrutietako esleipen-hartzaileek zigilu edo txartel sistema bat ezarri beharko dute ehiza egun bakoitzean eta denboraldi bakoitzean harrapatutakoak kontrolatzeko. Debekatua dago oilagorra pasako postuetan eta uharketan botatzea. Ezohiko hotz boladetan, Landa Garapeneko eta Ingurumeneko Departamentuak deklaritzen ahalko du horiek zori egunak direla, eta horrela ehiza debekatu. Hedabideen bidez jakinarazi beharko du. 2023-2024 ehiza-denboraldian, debekaturik egonen da oilagorra merkaturatzea.

Segurtasun neurri gisa, ehiztariak ikusgarritasun handiko txalekoak edo jantziak jantzi beharko dituzte, laranja kolorekoak, ahal bada, eta gutxienez bularraldea eta bizkarraldea estaliko dituztenak. Ikusgarritasun handiko txanoa erabiltzea gomendatzen da, halaber.

## ■ Hegazti urtarrak

Baimena ematen da antzara hankagorritzat, zertzeta arrunta, basahatea, kopetazuri arrunta, hegabera eta istingor arrunta ehizatzeko 2023ko azaroaren 1etik 2024ko urtarrilaren 28ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Basahatea ere ehizatzen ahalko da, 2023ko abuztuaren 15etik irailaren 14ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

Hegoaldean, aipatu epean, Ehiza Antolatzeko Planek baimendutako eremuetan bakarrik ehizatzen ahalko da.

## ■ Faisaia

Ehizatzen ahalko da 2023ko urriaren 1etik 2024ko urtarrilaren 29ra bitarte, ostegun, larunbat eta igandeetan, baita Espainiako, Nafarroako eta herriko jaiegunetan ere, 11/2012 Foru Aginduaren eta Ehiza Antolatzeko Planean ezarritakoari jarraikiz. Askatzeak foru agindu horren arabera eginen dira, 2023ko urriaren 1etik 2024ko urtarrilaren 15era bitartean.

## ■ Usoa

**Pagauso eta txoloma:** ehizatzen ahalko dira 2023ko urriaren 1etik abenduaren 31ra arte, baimendutako postu eta txaboletan, asteko egun guztietan.

**Pagauso:** Ehizatze baimena ematen da, 2023ko azaroaren 1etik 2024ko urtarrilaren 28ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere. Gainera, hegoaldeko barrutietako galeper-guneetan eta iparraldeko zuhaitz eremuetatik kanpo, jauzi-ehiza egiten ahalko da 2023ko abuztuaren 24etik irailaren 14ra bitartean, ostegunetan, larunbatetan, igandeetan eta Espainiako, Nafarroako eta herriko jaiegunetan.

Hegoaldeko barrutietan, udako egunetan ere ehizatzen ahalko da usoen postuetatik.

## ■ Birigarroa

**Birigarro arrunta, garratza, durdula eta birigarro txikia.**

Baimena ematen da jauzi-ehiza egiteko 2023ko azaroaren 1etik 2024ko urtarrilaren 28ra arte, ostegun, larunbat eta igandeetan, baita Espainiako, Nafarroako eta herriko jaiegunetan ere.

2023ko azaroaren 1etik 2024ko urtarrilaren 31ra arte, birigarroa ehizatze postuetan ere ehizatzen ahalko da, asteko egun guztietan.

Uso migratzaileen postu baimenduetatik ere botatzen ahalko dira 2023ko urriaren 1etik abenduaren 31ra arte, usotarako baldintza beretan.

## ■ Galeperra

Nafarroako iparraldean ehizatzen ahalko da 2023ko abuztuaren 15etik irailaren 14ra arte, ostegun, larunbat, igande eta jaiegunetan, ehiza barruti guztietan, baina zuhaitzak dauden eremuetatik kanpo bakarrik.

Hegoaldean, 2023ko abuztuaren 15etik irailaren 14ra arte ehizatzen ahalko da, ostegun, larunbat, igande eta jaiegunetan, Ehiza Antolatzeko Planetan ezarritako eremuen barnean.

Bestetik, eper gorriarentzako barruti bakoitzean baimendutako egun berberetan harrapatzen ahalko da galeperra.

Iparralderako zein hegoalderako gehieneko kupo bat ezartzen da: ehiztari bakoitzak, eguneko, 10 ale harrapatzen ahal ditu.

## ■ Usapala

Salbuespenez, eta aldi baterako izaeraz, zero harrapaketako kupoa ezartzen da 2023-2024 ehiza denboraldirako, Europako Usapalaren Ehizarako Egokitzapen Planaren jarraibideei men eginez.

## ■ Mika eta belabelta

Beste edozein espezieko ehiza-garaietan ere ehizatzen ahalko dira.

## Basozainen lurralde-barrutiak



## Basozainak

Barrutia	Telefonoa	Helb.elek.
D1 Bidasoa	608 245 812	gmabidasoa@navarra.es
D2 Aezkoa - Kintoa	686 502 927	gmaaezkoa@navarra.es
D3 Erronkari - Zaraitzu	699 307 698	gmaroncal@navarra.es
D4 Sakana Mendialdea	679 996 810	gmasakana@navarra.es
D6 Lizarra 1	686 504 345	gmaestellanorte@navarra.es
D7 Iruñea	608 062 649	gmapamplona@navarra.es
D8 Agoitz	608 062 669	gmaaoiz@navarra.es
D9 Lizarra 2	608 062 639	gmaestellasur@navarra.es
D10 Tafalla - Zangoza	609 907 084	gmatafalla@navarra.es
D11 Tuteria	609 904 957	gmatudela@navarra.es
Foruzaingoa - Ingurumena: pfmambiente@navarra.es		
SEPRONA: na-cmd-pamplona-seprona@guardiacivil.org		